



Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

3. Quantùm punitur à Deo, & semper punita est.

urn:nbn:de:hbz:466:1-29452

aut sensu dominari permittas, &cæt. Tertiò in opere, id est, ornatu vestimentorum, potētia & luxu rerum, diuitiarum, &cæt, hæc in contemptum proximi nos exaltant, &c.

2. Secundò, multa damna adfert superbia homini: primò, quia homo priuat per superbiam Deum gloria sua, & sibi usurpat & ascribit. Esa. 42. Gloriam meam non dabo alteri. Sed illam tamen furatur superbus Deo, quia ybiq; quærit laudē suā, & nō honorē Dei, in omni em̄ opere bono duo sunt, honor & utilitas. Honor & laus Deo debetur, ppter quē omnia debemus facerē, Phil. 1. repleti fructu iustitiae ad laudem Dei. utilitatē ac precium Deus nobis vult conserre, quod si Deo furati fuerimus laudē, ipse priuat nos utilitate p̄mij. ideò docet Christus Lu. 17. Cū omnia feceritis &c. deindè superbia priuat nos saurore & gratia ac misericordia Dei. Iacob. 4. Deus superbis resistit, nō fauet nec diligit, sed humilibus dat gratiam. Cōtingit enim superbis sicut mōribus Gelboe, 2. Reg. 1. quos nec ros, nec pluuiā tangit ex maledictione Dauid, & in eū finē dixit Hugo: Superbia affert mihi Deum, inuidia proximū, ira memetipsum. Postremò, superbia filium Diaboli facit, sicut humilitas filium Dei. Vndē propheta Job 41. Ipse est rex super oēs filios superbiae. Igitur sub illius regno sunt oēs superbi: quē ergo superbū videris, filium Diaboli esse nō dubitabis. Est ergo & hominibus odibilis superbia, Eccles. 10. & in omni loco, in omni tempore & in omni persona non quiescit: est enim in templo, in vario ornatū, in diebus festiuis, quando homo se exornat, & tunc omnem personam quantumcunque etiam religiosam & deuotam reuelat &cæt. Fugienda est itaque ceu venenum animæ.

3. Tertiò, damna superbiae atque punitiones varias legimus. Quid expulit de cœlo Luciferū, nisi superbia? nam dixit, Exaltabo solium meum, & similiter altissi-

Esa. 14.

altissimo, &c. Ascendit hodiè & exaltat solium, qui cunque sapientiam, iustitiam, salutem sibi aut suis operibus tribuit: vult enim sic similis esse Deo, nec audit quod dicit Apostolus 1. Cor. 4. Quid habes quod non acceperisti &c & Psal. 113. Non nobis Domine, nō nobis, sed nomini tuo da gloriam. Omnis ergo qui sic se exaltat humiliabitur, Luc. 14. Sic superbia de propria iustitia adimit omne prēmium. Deinde quid expulit de Paradiso Adamum & Euam, Genes. 3. nisi superbia? audierunt enim serpentem, qui dixit, Eritis sicut Dij: quam excellentiam cupiebant, & ideo mandatum Dei sui transgressi sunt: & ecce priuantur parentes bono paradisi, quod iam possiderunt. sic hodiè priuantur & depauperantur honoribus, diuitijs, dignitatibus superbi & elati homines, quia gratias Deo non agunt, nec se agnoscunt, sed ambulat in vanitatibus suis. Sic dixit Samuel propheta ad Saul regem 1. Reg. 15. Cūm es parvulus in oculis tuis, caput in tribubus Israel factus es: Sed quia piecisti sermones Domini, proiecit te Deus, ne sis rex in Israel. Sic superbia non placuit Deo ab initio, Iudith. nono. Ideo non solum spiritualibus, sed etiam corporalibus bonis nos priuat superbia, neque unquam Deus assistit superbis. Insuper Hamam superbis qui volebat ut omnes genua coram ipso flecterent, quam turpiter periret, vt legitur Hester 7. item libido dominādi in Ieroboam, qui potius volebat populum recedere à vero D E O, quam à suo dominio, qualiter punita sit cum tota familia sua, patet 3. Reg. 12. Rex Sennacherib Assyriorum, qui dixit Ezechiae regi Iudeorum: Neque Deus neque homo poterit te liberare de manu mea: quem finē accepit eius superbia, patet 4. Reg. 19. ipse Deus est qui nouit potentes superbos deponere de sede, & exaltauit humiles, Lu. 1. Volebat Holofernes totum mundum sibi subiugare, sed Deus per deuotam fœminam Iudith eum interfecit, Iudith. 13.

LL 3 Summa,

n opere,
i rerum,
timi nos
homini:
um glo.
Gloriam
atur su.
ō hono.
or & vii
ē omnia
e ad lau.
ult con.
se priuat
17. Cūm
os fauo.
s super.
s dat gra
Gelboe,
maledi.
bia au.
tipsum,
t humi.
st rex su
no sunt
m Dia.
odibilis
tempore
emplo,
omo se
cunque
gienda
; varias
super.
ilis ero
altissi.

Summa superbia in nobis existente, omnis vita & actio nostra sit immunda, etiamsi sobrietatem, si virginitatem, si ieiunium & orationes & eleemosynas habuerimus, aut quæcunque alia perfecerimus. Ideo vulgo dicitur:

*Si tibi laus, sapientia, forma & copia rerum,
Inquinat hæc sancè comitata superbia cuncta.*

Fugienda est itaque superbia quam maximè, quæ omnina demolitur & dehonestat: habet quoq; quatuor species secundum Gregorium: Prima est, quando homo attribuit sibi bonum quod habet. Secunda, quando homo etsi non sibi, sed tamen suis meritis tribuit bonum. Tertia, quando iactat se habere, quod tamen non habet. Quarta, quando se existimat alijs prava. Iere & esse meliorem &cæt. Contra superbiam autem valet memoria rerum nouissimarum, ut scriptura admonet Eccl. 7. Memorare nouissima tua, scilicet mortem, iudicium extremum, infernum, regnum celeste, & non peccabis. Sunt enim superbi similes vesicae, quæ uno ictu puncta evanescit. Sic superbis exigua infirmitate. Sunt quoque similes sepulcris dealbatis, cum foris sint pulchre ornati vestitu precioso, intus autem anima mortua foeteat, similes evam galinæ, quæ cum ouum excubauerit, cantat: ita superbi si quid boni operis fecerunt, volunt audiri ab omnibus, &cæt.

C A P V T VIII.

A R G V M E N T A.

1. *Quomodo scriptura prohibeat superbum ornatum vestimentorum.*
2. *Quam graue peccatum sit.*
3. *Quomodo puniatur à Deo.*

Primo